

# Va Dousig koant

*Moderato*

The musical score is written on four staves in a single system. It begins with a treble clef, a key signature of one flat (B-flat), and a 6/8 time signature. The tempo is marked 'Moderato'. The lyrics are written below the notes. The first line of music contains the lyrics 'Va dou-sik koant o ya dra zur, va dou-sik'. The second line contains 'koant o ya dra zur, c'houi ra-se d'in kalz pli-ja-'. The third line contains '.-du Dam da ram da la da ma c'hell-fen'. The fourth line contains 'ho ta-rem-pre-di Dam da-ram da la di'. The score ends with a double bar line and repeat dots.

Va dou-sik koant o ya dra zur, va dou-sik  
koant o ya dra zur, c'houi ra-se d'in kalz pli-ja-  
. -du Dam da ram da la da ma c'hell-fen  
ho ta-rem-pre-di Dam da-ram da la di

*Hen.* — Va dousig koant, o ya, dra zur (2 *vech*)  
C'houi rafe d'in kalz plijadur,  
Dam da ram da la da,  
Ma c'hellfen ho tarempredi  
Dam da ram da la di.

Red e vo d'eomp-ni, va mestrez (2 *w.*)  
Mont d'ar pardonieu alïes,  
Dam da ram da la da,  
Evit gellout 'n em zidui,  
Dam da ram da la di.

*Hi.* — N'eo ket red mont d'ar pardonieu (2 *w.*)  
' Vit kaout eleiz a ebatou.  
Dam da ram da la da,  
Gwell eo ganen teufec'h d'am zi  
Dam da ram da la di.

*Hen.* — Ma na dafe den d'ar pardonieu (2 *w.*)  
Chomfe ar per, an avalou,  
Dam da ram da la da,  
Ne vefent gwerzet da hini  
Dam da ram da la di.

*Hi.* — M'ho trugareka, servicher, (2 w.)  
'Meus defot avalou, na per,  
    Dam da ram da la da,  
M'ho peus arc'hant, mirit int-i,  
    Dam da ram da la di.

*Hen.* — Livirit d'in ta, va mestrez, (2 w.)  
C'houi 'gernerfe priedelez?  
    Dam da ram da la da,  
Ha c'houi 'gavfe aes dimezi  
    Dam da ram da la di.

*Hi.* — Dimezi a zo trubuilhus (2 w.)  
Eur plac'h yaouank 'zo ebatus.  
    Dam da ram da la da,  
Eun den yaouank 'zo dizoursi,  
    Dam da ram da la di.

*Hen.* — Ma chomfe an holl tud yaouank (2 w.)  
Ar bed a vefe kalz re frank  
    Dam da ram da la da,  
Red mat eo d'an dud dimezi  
    Dam da ram da la di.

*Hi.* — Nag a bed hini 'vez gwelet (2 w.)  
Er briedelez enkrezet  
    Dam da ram da la da,  
Ha ganto gwall verr ar peuri  
    Dam da ram da la di.

*Hen.* — Ken'vo va mestrez, a laran, (2 w.)  
Houman eo va c'homz divezan,  
    Dam da ram da la da,  
Birviken n'en em welimp mui  
    Dam da ram da la di.

*Hi.* — Deuit, gounezet oun, m'hen tou, (2 w.)  
Va dousig koant, gant ho komzou,  
    Dam da ram da la da,  
Ma 'z aimp hon daou da zimezi  
    Dam da ram da la di.